

საქართველოს უზენაესი სასამართლოს მოსამართლის თანამდებობაზე ასარჩევად საქართველოს პარლამენტისათვის წარსადგენი სამოსამართლო გამოცდილების მქონე მოსამართლეობის კანდიდატის შეფასების ფორმა

მოსამართლეობის კანდიდატი ლამა ქოჩიაშვილის შეფასების შედეგი:

მოსამართლეობის კანდიდატის შეფასება კეთილსინდისიერების კრიტერიუმის მიხედვით		
მოსამართლეობის კანდიდატი არ აკმაყოფილებს კეთილსინდისიერების კრიტერიუმს	<input type="checkbox"/>	
მოსამართლეობის კანდიდატი აკმაყოფილებს კეთილსინდისიერების კრიტერიუმს	<input type="checkbox"/>	
მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს	<input checked="" type="checkbox"/>	
მოსამართლეობის კანდიდატის შეფასება კომპეტენტურობის კრიტერიუმის მიხედვით		
კრიტერიუმი	მიღებული ქულა	მაქსიმალური ქულა
სამართლის ნორმების ცოდნა	19	20
სამართლებრივი დასაბუთების უნარი და კომპეტენცია	19	20
წერის უნარი	18	20
ზეპირი კომუნიკაციის უნარი	13	15
პროფესიული თვისებები, მათ შორის, ქცევა სასამართლო დარბაზში	15	15
აკადემიური მიღწევები და პროფესიული წვრთნა	4	5
პროფესიული აქტივობები	5	5
<b>ქულათა ჯამი</b>	<b>93</b>	<b>100</b>

სახელი, გვარი: ვასილ მშვენიერაძე

თარიღი:

27.05.21



## ლაშა ქოჩიაშვილი

### შეფასების დასაბუთება

საქართველოს უზენაესი სასამართლოს მოსამართლის შესარჩევ კონკურსში მონაწილე კანდიდატის ლაშა ქოჩიაშვილის შეფასების დასაბუთების შედეგის პროცესში ვიხელმძღვანელებ „საერთო სასამართლოების შესახებ“ საქართველოს ორგანული კანონის 34<sup>1</sup> მუხლის მე-11 პუნქტით დადგენილი წესით.

მოსამართლეობის კანდიდატის შეფასება კეთილსინდისიერების კრიტერიუმის მიხედვით		კომენტარი
მოსამართლეობის კანდიდატი არ აკმაყოფილებს კეთილსინდისიერების კრიტერიუმს	<input type="checkbox"/>	<p>კანდიდატის კეთილსინდისიერების კრიტერიუმით შეფასება ეფუძნება სხვადასხვა უწყებებიდან გამოთხოვილ ინფორმაციას, კერძოდ:</p> <ul style="list-style-type: none"> <li>- საქართველოს შინაგან საქმეთა სამინისტროს მონაცემებს კანდიდატის ადმინისტრაციული სამართალდარღვევების თაობაზე;</li> <li>- სს „კრედიტინფო საქართველოს“ მოწოდებულ სრულ პერსონალურ საკრედიტო ინფორმაციას;</li> <li>- საქართველოს ფინანსთა სამინისტროს შემოსავლების სამსახურის მონაცემებს კანდიდატის შემოსავლების შესახებ;</li> <li>- საჯარო სამსახურის ბიუროში კანდიდატის მიერ წარდგენილ ქონებრივი მდგომარეობის დეკლარაციას;</li> <li>- საქართველოს იუსტიციის უმაღლესი საბჭოს</li> </ul>
მოსამართლეობის კანდიდატი აკმაყოფილებს კეთილსინდისიერების კრიტერიუმს	<input type="checkbox"/>	
მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს	<input checked="" type="checkbox"/>	

		<p>სამოსამართლო ეთიკის დეპარტამენტისა და იუსტიციის უმაღლესი საბჭოს დამოუკიდებელი ინსპექტორის სამსახურის მონაცემებს შესაფასებელი მოსამართლის წინააღმდეგ წარმოებული დისციპლინური სამართალწარმოების შესახებ;</p> <p>აგრეთვე, მხედველობაში მივიღე კანდიდატის დახასიათების მიზნით წარმოდგენილი რეკომენდაციები და კანდიდატთან სამსახურებრივ და პირად ურთიერთობაში მყოფი პირებისგან გამოთხოვილი (სპეციალური კითხვარის ფორმით შედგენილ) დახასიათებები.</p> <p>გარდა ამისა, ვეყრდნობი კანდიდატთან გამართულ უშუალო გასაუბრებით მიღებულ შთაბეჭდილებას.</p> <p><b>1. პიროვნული კეთილსინდისიერება და პროფესიული სინდისი:</b></p> <p>მოძიებული მასალების თანახმად, კანდიდატის შემოსავლების დაუსაბუთებლობის ან უკანონობის ნიშნები არ გამოვლენილა. საქართველოს ფინანსთა სამინისტროს შემოსავლების სამსახურის ინფორმაციით 2020 წლის 11 ნოემბრის მდგომარეობით კანდიდატს საქართველოს სახელმწიფო ბიუჯეტის მიმართ დავალიანება არ ერიცხება.</p> <p>შინაგან საქმეთა სამინისტროს საინფორმაციო-ანალიტიკური დეპარტამენტიდან გამოთხოვილი ინფორმაციის თანახმად შესაფასებელი პერიოდის განმავლობაში კანდიდატს დაშვებული აქვს სამი, საქართველოს ადმინისტრაციულ სამართალდარღვევათა კოდექსის 125-ე მუხლის მე-6 ნაწილით გათვალისწინებული ორი და 125-ე მუხლის პირველი ნაწილით გათვალისწინებული ერთი სამართალდარღვევა. აღნიშნული</p>
--	--	---

		<p>ადმინისტრაციული სამართალდარღვევებს აქვს ვადაგასულის სტატუსი.</p> <p>ზემოხსენებული მონაცემების, რეკომენდატორებისა და გამოკითხული პირების დახასიათებით, კანდიდატი გამოირჩევა პიროვნული და პროფესიული კეთილსინდისიერებით. ახასიათებს პიროვნული სიმტკიცე და აქვს პასუხისმგებლობის მაღალი გრძნობა.</p> <p>ხელთარსებული მონაცემებისა და დახასიათებების მიხედვით, შემიძლია დავასკვნა, რომ კანდიდატი სრულად აკმაყოფილებს პიროვნული კეთილსინდისიერების პროფესიული სინდისის მახასიათებელს.</p> <p><b>2. დამოუკიდებლობა, მიუკერძოებლობა და სამართლიანობა</b></p> <p>გასაუბრებით მიღებული შთაბეჭდილებითა და შესწავლილი მასალის ანალიზის შედეგად, უნდა ითქვას, რომ კანდიდატის პოლიტიკური ან სხვაგვარი მიკერძოებულობის, ასევე სხვადასხვა რელიგიის, რასის, ეროვნების, სოციალური, ეკონომიკური მდგომარეობის ადამიანებისადმი ტენდენციური ან შეუწყნარებელი დამოკიდებულების ნიშნები არ იკვეთება.</p> <p>ლაშა ქოჩიაშვილი რეკომენდატორებისა და გამოკითხული პირების მიერ დახასიათებულია როგორც დამოუკიდებელი, მიუკერძოებელი, პრინციპული მოსამართლე, აქვს უნარი ნებისმიერი საკითხის განხილვისას იყოს ნეიტრალური, ობიექტურად და ყურადღებით, გულისხმიერებით, სიღრმისეულად განიხილოს, გაანალიზოს და შეაფასოს ნებისმიერი საკითხი ურთიერთობის ყველა მონაწილის პოზიციისა და ინტერესების გათვალისწინებით.</p>
--	--	---

		<p>გასაუბრებაზე კანდიდატის მიერ ჩამოყალიბებული მოსაზრებების გათვალისწინებით, მიმაჩნია, რომ მას შესწევს დამოუკიდებლად ლოგიკური დასკვნის გაკეთებისა და საკუთარი პოზიციის კარგად დაცვის უნარი.</p> <p><b>3. პიროვნული და პროფესიული ქცევა</b></p> <p>წარმოდგენილი მასალების შესწავლითა და გასაუბრებით მიღებული შთაბეჭდილების მიხედვით, შემიძლია დავასკვნა, რომ კანდიდატი უაღრესად კორექტული, მშვიდი და გაწონასწორებული ადამიანია. თითოეულ საკითხზე მსჯელობისას ამჟღავნებდა თანმიმდევრულობას, გულახდილობას და ობიექტურობას. რეკომენდატორებისა და გამოკითხული პირების მიერ მოწოდებული ინფორმაციის თანახმად, ლაშა ქოჩიაშვილი კოლეგებთან, სასამართლო აპარატის თანამშრომლებთან, მხარეებსა და მათ წარმომადგენლებთან ურთიერთობისას არის კორექტული, ეპყრობა ღირსებით, მათი უფლებების და ინტერესების პატივისცემით. არის პუნქტუალური, თავმდაბალი, პატივს სცემს განსხვავებულ აზრს, აქვს მოსმენის კარგი უნარი. არის თავდაჭერილი, განუხრელად იცავს სამოსამართლო ეთიკის წესებს, მისი ქცევა, როგორც სამსახურეობრივი უფლებამოსილების განხორციელებისას, ასევე, სხვა ურთიერთობებში, მოსამართლის მაღალი წოდების შესაბამისია და მიმართულია სასამართლოს ავტორიტეტის და იმიჯის დაცვისა და ამაღლებისკენ.</p> <p>არსებული ინფორმაციით, საქართველოს იუსტიციის უმაღლესი საბჭოს დამოუკიდებელი ინსპექტორის სამსახურისა და საქართველოს იუსტიციის უმაღლესი საბჭოს სამოსამართლო ეთიკის დეპარტამენტის ინფორმაციით, ლაშა ქოჩიაშვილის მიმართ დისციპლინური დევნა არ</p>
--	--	---

		<p>განხორციელებულა. კანდიდატი სასამართლოში მხარედ არ გამოსულა. რაც შეეხება სისხლისსამართლებრივ წარმოებას, 2006 წლის 11 ივლისს დაიწყო გამოძიება ლაშა ქოჩიაშვილის კუთვნილი ავტომობილის სარკის ქურდობის ფაქტზე, დანაშაული გათვალისწინებული საქართველოს სსკ-ის 177-ე მუხლის პირველი ნაწილით. აღნიშნულ საქმეში კანდიდატს მინიჭებული ჰქონდა დაზარალებულის სტატუსი.</p> <p><b>4. პიროვნული და პროფესიული რეპუტაცია</b></p> <p>კანდიდატის რეკომენდატორებისა და მასთან პიროვნულ და პროფესიულ ურთიერთობაში მყოფი პირების დახასიათება-შეფასებების მიხედვით, შემიძლია დავასკვნა, რომ კანდიდატი, სარგებლობს დიდი ავტორიტეტითა და პატივისცემით იურიდიულ წრეებსა და საზოგადოებაში.</p> <p>კანდიდატის შესახებ ინტერნეტში იძებნება ინფორმაცია ლაშა ქოჩიაშვილის მიერ განხილულ საქმეებზე. ეს ეხება ტელეკომპანია მაესტროს, რუსთავის ფოლადს, პეტრიაშვილის ქუჩაზე მდებარე ღვინის ქარხანას, ლიდერფუდს, რუსთავი 2-თან დაკავშირებით მორიგ დავას. ნიკა გვარამიამ მოსამართლე შეურაცხმყოფელი ეპითეტებით მოიხსენია. მედიით გაშუქდა ლაშა ქოჩიაშვილის მონაწილეობა უზენაესი სასამართლოს მოსამართლეთა შესარჩევ კონკურსში.</p> <p>2019 წლის მიმდინარე უზენაესი სასამართლოს მოსამართლეობის კანდიდატთა შესარჩევი კონკურსის პერიოდში მოქალაქე დავით ძოწენიძემ წერილი წარადგინა იუსტიციის უმაღლეს საბჭოში, აღნიშნულ წერილში მოქალაქე ლაშა ქოჩიაშვილის მიმართ გამოთქვამს თავის ნეგატიურ დამოკიდებულებას. წერილის ავტორი ითხოვს ლაშა ქოჩიაშვილის მიმართ (სხვა მოსამართლეებთან ერთად)</p>
--	--	--

		<p>დაიწყოს დისციპლინური ღევენა.</p> <p>რეკომენდატორებსა და გამოკითხულ პირებს კანდიდატის პიროვნულ ან პროფესიულ ნაკლოვანებებზე არ მიუთითებიათ.</p> <p><b>5. ფინანსური ვალდებულება</b></p> <p>მოძიებული ინფორმაციის მიხედვით, ლაშა ქოჩიაშვილს საკრედიტო, ან სხვა სახის მიმდინარე ვადაგადაცილებული ფინანსური (მათ შორის ბიუჯეტის მიმართ) ვალდებულება არ გააჩნია. როგორც უკვე აღინიშნა, შესაფასებელი პერიოდის განმავლობაში კანდიდატმა დაუშვა სამი ადმინისტრაციული სამართალდარღვევა. აღნიშნული ადმინისტრაციული სამართალდარღვევებს აქვს ვადაგასულის სტატუსი.</p> <p>საბოლოოდ, ყოველივე ზემოაღნიშნულის გათვალისწინებით, არ ვლინდება კანდიდატის კეთილსინდისიერების ეჭვქვეშ დაყენების რაიმე საფუძველი. შესაბამისად, მიმაჩნია, რომ ის სრულად აკმაყოფილებს კეთილსინდისიერების კრიტერიუმს.</p>
<p>მოსამართლეობის კანდიდატის შეფასება კომპეტენტურობის კრიტერიუმის მიხედვით</p>		<p>კომენტარი</p>
<p>კრიტერიუმი</p>	<p>მიღებული ქულა</p>	<p>მაქსიმალური ქულა</p>

სამართლის ნორმების ცოდნა	19	20	<p><u>სამართლის ნორმის ცოდნის მახასიათებლით კანდიდატის შეფასება ეფუძნება მის მიერ წარმოდგენილი ექვს სამოქალაქო საქმეზე მიღებული გადაწყვეტილების ანალიზსა და კანდიდატთან ჩატარებული უშუალო გასაუბრებით მიღებულ შთაბეჭდილებას.</u></p> <p>აღნიშნულზე დაყრდნობით, მათ შორის გასაუბრებიდან გამომდინარე შეიძლება ითქვას, რომ ლაშა ქოჩიაშვილი ძალიან კარგად ფლობს სამოქალაქო საპროცესო და მატერიალური სამართლის თეორიულ საფუძვლებს. ის ზუსტად და სიღრმისეულად აღიქვამს გამოყენებული სამართლებრივი ნორმების შინაარსსა და დანიშნულებას. მიმაჩნია, რომ კანდიდატი კარგად არის გათვითცნობიერებული და ძალიან კარგად ერკვევა როგორც შიდა სახელმწიფო, ასევე საერთაშორისო სამართლის ნორმებსა და სასამართლო პრაქტიკაში. მას შეუძლია ნებისმიერი სამართლებრივი პრობლემის დეტალური ანალიზი, თანმიმდევრული მსჯელობის საფუძველზე ლოგიკური დასკვნის გამოტანის და პრობლემიდან გამოსავლის შესახებ მისეული ხედვის ჩამოყალიბება.</p>
სამართლებრივი დასაბუთების უნარი და კომპეტენცია	19	20	<p><u>სამართლებრივი დასაბუთების უნარისა და კომპეტენციის მახასიათებლით შეფასება ეფუძნება მის მიერ წარმოდგენილ ექვს სამოქალაქო საქმეზე მიღებული გადაწყვეტილების ანალიზსა და კანდიდატთან ჩატარებული უშუალო გასაუბრებით მიღებულ შთაბეჭდილებას</u></p> <p>მიმაჩნია, რომ შესწავლილ გადაწყვეტილებებში კანდიდატის მიერ ჩამოყალიბებული მოსაზრებები ფაქტობრივი და სამართლებრივი თვალსაზრისით არგუმენტირებულია დამაჯერებლად და დასაბუთებულია</p>



			<p>კვალიფიციურად. თვალსაჩინოა, რომ კანდიდატს მისი დასკვნები მოხმობილი ფაქტობრივი და სამართლებრივი არგუმენტებიდან ლოგიკურად გამომდინარეობს. შესწავლილი გადაწყვეტილებისა და გასაუბრებით მიღებული შთაბეჭდილებით კანდიდატს შეუძლია ცალკეულ სამართლებრივ საკითხზე არსებული სასამართლო პრაქტიკის, შიდასახელმწიფო და საერთაშორისო კანონმდებლობის სწორი შედარებითი და საგნობრივი ანალიზი. შედეგად, საკუთარი დასკვნის საფუძვლიანად და საინტერესოდ ჩამოყალიბება.</p> <p>ლაშა ქოჩიაშვილის 21 წლიანი პროფესიული გამოცდილება სრულად დაკავშირებულია საერთო სასამართლოების სისტემაში სხვადასხვა თანამდებობებზე საქმიანობასთან. ლაშა ქოჩიაშვილს გააჩნია 13 წლიანი სამოსამართლო საქმიანობის პრაქტიკაც. ამჟამად ასრულებს თბილისის სააპელაციო სასამართლოს სამოქალაქო საქმეთა პალატის მოსამართლის უფლებამოსილებას.</p>
წერის უნარი	18	20	<p><u>წერის უნარის მახასიათებლით შეფასება ეფუძნება მის მიერ წარმოდგენილ ექვს სამოქალაქო საქმეზე მიღებული გადაწყვეტილების ანალიზს, რეკომენდატორებისა და გამოკითხული პირების დახასიათებებს.</u></p> <p>კანდიდატის მიერ წარმოდგენილი წერილობითი მასალა შესრულებულია გამართული ქართულით და იკითხება კარგად. მიუხედავად განხილული საკითხების სირთულისა, აზრი ნათლად და გარკვევით არის გადმოცემული. მიმაჩნია, რომ წერილობითი მასალა დაინტერესებული პირისათვის რთულად აღსაქმელი არ არის. შესწავლილ მასალაში თვალსაჩინო გრამატიკული ან რედაქციული ხასიათის შეცდომები არ გამოვლენილა.</p>

			კანდიდატის წერის უნარი პოზიტიურად აქვთ დახასიათებული რეკომენდატორებსა და გამოკითხულ პირებსაც.
ზეპირი კომუნიკაციის უნარი	13	15	<p>ზეპირი კომუნიკაციის უნარის მახასიათებლით შეფასება ეფუძნება კანდიდატთან ჩატარებული უშუალო გასაუბრებით მიღებულ შთაბეჭდილებას, რეკომენდატორებისა და გამოკითხული პირების დახასიათებებს.</p> <p>შედეგად, მივიჩნევ, რომ კანდიდატი მეტყველებს გარკვევით, საუბრისას საკმაოდ მშვიდი და გაწონასწორებულია. გააჩნია დასმული შეკითხვის არსის სწორად აღქმისა და სხვის მიერ გამოთქმული აზრის მოთმინებით მოსმენის უნარი. ჩემი აზრით, საკუთარ მოსაზრებას ყოველთვის ლაკონიურად და საკმაოდ ცხადად გადმოსცემს. მისი მსჯელობა როგორც წესი თანმიმდევრული და ლოგიკურად გამართულია. მას შეუძლია დაიცვას საკუთარი პოზიცია კონსტრუქციული მსჯელობის ფარგლებში. ზოგადად, დატოვა ტაქტიანი და კომუნიკაბელური ადამიანის შთაბეჭდილება. კანდიდატი სამართლის მატერიალურ და საპროცესო ნორმათა შინაარსს ზეპირსიტყვიერად, როგორც წესი, გადმოსცემს გასაგებად. გასაუბრებისას კანდიდატი იყო თავდაჯერებული.</p> <p>კანდიდატის ზეპირი კომუნიკაციის უნარი პოზიტიურად აქვთ დახასიათებული რეკომენდატორებსა და გამოკითხულ პირებსაც.</p>
პროფესიული თვისებები, მათ შორის, ქცევა სასამართლო დარბაზში	15	15	პროფესიული თვისებების მახასიათებლით კანდიდატის შეფასებისას დავეყრდენი თბილისის სააპელაციო სასამართლოს მიერ მოწოდებულ სტატისტიკურ მონაცემებს (2017 წლის ნოემბრიდან 2020 წლის პირველი ნოემბრის

			<p><u>მდგომარეობით) რეკომენდატორებისა და გამოკითხული პირების დახასიათებებს.</u></p> <p>თბილისის სააპელაციო სასამართლოს მიერ მოწოდებული სტატისტიკური მონაცემების თანახმად: ლაშა ქოჩიაშვილს საანგარიშო 1003 დღეში დასრულებული აქვს 311 საქმე (დღეში საშუალოდ 0,3 საქმე), რაც მისი სამუშაო რეჟიმის საშუალო დატვირთულობაზე მეტყველებს. ამ პირობებში კანდიდატს აქვს საქმის განხილვის საერთო საპროცესო ვადის დაცვის (93,5%) და გადაწყვეტილების მომზადების ვადის დაცვის (97,4%) საუკეთესო მაჩვენებლები. ამავდროულად, აქვს გასაჩივრებულ გადაწყვეტილებათა სტაბილურობის (81,4%) კარგი მაჩვენებელი. აღნიშნულის საფუძველზე, შეიძლება ითქვას, რომ კანდიდატი ხარისხიანად ასრულებს სამოსამართლო უფლებამოსილებას.</p> <p>რეკომენდატორებისა და გამოკითხული პირების მიერ მოწოდებული ინფორმაციის თანახმად, ლაშა ქოჩიაშვილს შესწევს უნარი ეფექტურად დაგეგმოს თავისი სამუშაო განრიგი და განახორციელოს სასამართლო პროცესის ორგანიზება. ლაშა ქოჩიაშვილი ყოველთვის სრულყოფილად ფლობს საქმეში არსებულ მასალებს, რის გამოც სასამართლო სხდომის დარბაზში მხარეებთან გააჩნია კომუნიკაციის განსაკუთრებული უნარი.</p>
აკადემიური მიღწევები და პროფესიული წვრთნა	4	5	<p><u>აკადემიური მიღწევებისა და პროფესიული წვრთნის მახასიათებლით კანდიდატის შეფასებისას დავეყრდენი მოპოვებულ ინფორმაციას, რეკომენდატორებისა და გამოკითხული პირების დახასიათებებს.</u></p> <p>კანდიდატს 2003 წელს ჩაბარებული აქვს პროკურატურის მუშაკთა საკვალიფიკაციო გამოცდა, ასევე, 2006 წელს</p>

			<p>ჩაბარებული აქვს მოსამართლის საკვალიფიკაციო გამოცდა სამოქალაქო და ადმინისტრაციული მიმართულებით.</p> <p>რეკომენდატორებისა და გამოკითხული პირების მიერ კანდიდატი დახასიათებულია პროფესიონალად, რომელიც აქტიურად არის ჩართული სხვადასხვა სამართლებრივ საკითხებთან დაკავშირებით მიმდინარე დისკუსიებში.</p> <p>მიმაჩნია, რომ კანდიდატს შეუძლია საკუთარი თავის სრულად რეალიზება.</p>
პროფესიული აქტივობა	5	5	<p><u>პროფესიული აქტივობის მახასიათებლით კანდიდატის შეფასება ეფუძნება მის მიერ მოწოდებულ ინფორმაციას.</u></p> <p>ბოლო წლების განმავლობაში ინტენსიურად მონაწილეობდა სამართლებრივი სისტემისა და მართლმსაჯულების საკითხებზე მოწყობილ შეხვედრებსა და სემინარებშიც (გავლილი აქვს 7 ტრენინგი, 2 სასწავლო კურსი, და დაესწრო 22 სემინარს).</p>
ქულათა ჯამი	93	100	

სახელი, გვარი: ვასილ მშვენიაძე

თარიღი: 27.05.21

ხელმოწერა: 